

19 დეკემბერი 2023 წელი.

ერთის მხრივ, სსიპ – ლევან სამხარაულის სახელობის სასამართლო ექსპერტიზის ეროვნული ბიურო (შემდგომში ბიურო), წარმოდგენილი საქმისწარმოების II განყოფილების მთავარი სპეციალისტის ლია ერადის, რომელიც მოქმედებს ბიუროს უფროსის მიერ 2023 წლის 01 დეკემბრის N156/5 ბრძანების საფუძველზე (შემდგომში - „მიმწოდებელი“) და მეორეს მხრივ ისნის რაიონის გამგეობა, წარმოდგენილი გამგებელი ნიკა ელისაშვილის სახით (შემდგომში - „შემსყიდველი“), „სახელმწიფო შესყიდვების შესახებ“ საქართველოს კანონის პირველი მუხლის მე-3 პუნქტის, „ტ“ ქვეპუნქტისა და 2023 წლის 2 ოქტომბრის N36-0123275535 წერილის შესაბამისად ვდებთ წინამდებარე ხელშეკრულებას.

მუხლი 1. ხელშეკრულების საგანი

1. მომსახურების განხორციელება, საქართველოს მთავრობის 2023 წლის 16 იანვრის №14 დადგენილებით დამტკიცებული ბიუროს მომსახურების ტარიფ(ებ)ის, მხოლოდ ქვემოთ ჩამოთვლილი კოდ(ებ)ის შესაბამისად, კერძოდ: ქ. თბილისში, გუთნის ქ. 11-ში არსებული შენობა-ნაგებობის ტექნიკური მდგომარეობის დადგენის ექსპერტიზა.

კლასიფიკატორის CPV კოდი: 71319000 - საექსპერტო მომსახურება

მომსახურების კოდი:

1.1. საინჟინრო ექსპერტიზის ფარგლებში - 13006 კოდ(ებ)ის შესაბამისად.

მუხლი 2. ხელშეკრულების ღირებულება.

1. ხელშეკრულებით გათვალისწინებული მომსახურების ღირებულება განისაზღვრება 2 500,00 (ორიათასხუთასი ლარი) ლარის ოდენობით (საქართველოს მთავრობის 2023 წლის 16 იანვრის N14 დადგენილებით დამტკიცებული „სსიპ - ლევან სამხარაულის სახელობის სასამართლო ექსპერტიზის ეროვნული ბიურო მომსახურების ტარიფების“ შესაბამისად).

2. იმ შემთხვევაში, თუ საექსპერტო ღირებულების თანხა გასცდა - ხელშეკრულების საორიენტაციო ღირებულებას, მხარეები ვალდებული არიან იხელმძღვანელონ ექსპერტის დასკვნის შესაბამისად მომზადებული მიღება-ჩაბარების (ფორმა N5) აქტით და მასში მითითებული საექსპერტო მომსახურების ღირებულებით.

3. ანგარისწორება შემსყიდველი მხარის მიერ მოხდება, კონკრეტული საექსპერტო მომსახურების ფარგლებში მომზადებული ექსპერტის დასკვნის თანდართული მიღება-ჩაბარების (ფორმა N5) აქტში მითითებული თანხის შესაბამისად.

4. დაჩქარებული საექსპერტო მომსახურების შემთხვევაში ღირებულების გამოთვლა განისაზღვრება წინამდებარე ხელშეკრულების მე-17 მუხლის მე-5 პუნქტის შესაბამისად.

მუხლი 3. ხელშეკრულების ვადა.

1. ხელშეკრულება ძალაში შედის მხარეთა მიერ მისი ხელმოწერის მომენტიდან. ხელშეკრულების მოქმედება ვრცელდება მხარეთა შორის წარმოშობილ ურთიერთობებზე 2023 წლის 2 ოქტომბრიდან ანუ ისნის რაიონის გამგეობის წერილობითი მომართვის დროის პერიოდიდან და მოქმედებს ამ

ხელშეკრულებით ნაკისრი ვალდებულებების სრულად შესრულებამდე, მაგრამ არაუგვიანეს 2023 წლის 29 დეკემბრისა.

მუხლი 4. ანგარიშსწორება

1. ანგარიშსწორების ფორმა - უნაღდო ანგარიშსწორება, ეროვნული ვალუტა ლარი;
2. შემსყიდველი ვალდებულია ანგარიშსწორება განახორციელოს ექსპერტიზის დანიშვნის დოკუმენტის უნიკალური ათ ციფრიანი კოდის მეშვეობით, რომელსაც მიმწოდებელი აწვდის სმს შეტყობინების საშუალებით, შემსყიდველის მიერ მითითებულ სატელეფონო ნომერზე.
3. ანგარიშსწორება წარმოებს სახელმწიფო ხაზინის ელექტრონული მომსახურების სისტემის (E-Treasury) ან შემსყიდველის მომსახურე კომერციული საბანკო დაწესებულების საბილინგე სისტემის მეშვეობით, ასევე:
 - გადახდის ონლაინ პლატფორმიდან PAY.GE, TBC PAY.GE ან OPPA.GE;
 - საქართველოს კომერციული ბანკების საკუთრებაში არსებული, ასევე „ოპკას“ სწრაფი გადახდის ტერმინალებიდან.
4. ანგარიშსწორების განსახორციელებლად, შემსყიდველს უფლება აქვს მოითხოვოს მიმწოდებლისგან საგადასახადო დოკუმენტაციის წარდგენა (ასეთის საჭიროების შემთხვევაში).
5. თუ შემსყიდველი წარმოადგენს ადმინისტრაციულ ორგანოს - შემსყიდველის მიერ ანგარიშსწორება განხორციელდება ამ მუხლის მე-4 და მე-5 მუხლის მე-4 პუნქტებით განსაზღვრული ინფორმაციის/დოკუმენტაციის შემსყიდველისათვის მიწოდებიდან და დასკვნის წარდგენიდან/მიღებიდან 10 სამუშაო დღის განმავლობაში.
6. თუ შემსყიდველი წარმოადგენს ფიზიკურ ან/და კერძო სამართლის იურიდიული პირს - შემსყიდველის მიერ ანგარიშსწორება განხორციელდება მიმწოდებლის მიერ მომსახურების გაწევამდე (ავანსად) ან მიმწოდებლის მხრიდან მომსახურების გაწევის დასრულების თაობაზე ამ მუხლის მე-4 და მე-5 მუხლის მე-4 პუნქტებით განსაზღვრული ინფორმაციის/დოკუმენტაციის შემსყიდველისათვის მიწოდებიდან - დასკვნის გატანამდე/მიღებამდე; ანგარიშსწორებისათვის განსაზღვრული ვადა შეადგენს 10 სამუშაო დღეს.
7. ამ მუხლის მე-2 და მე-3 პუნქტებით დადგენილი პირობის დარღვევით განხორციელებული ანგარიშსწორების შემთხვევაში, მიმწოდებელი უფლებამოსილია მოითხოვოს ხელახალი ანგარიშსწორება დადგენილი წესის შესაბამისად, რა შემთხვევაშიც ვალდებულია დააბრუნოს არასწორი მეთოდით ჩარიცხული თანხა უკან. ამასთან, ხელახალი ანგარიშსწორების განხორციელებამდე, მიმწოდებელი უფლებამოსილია არ გასცეს მომზადებული ექსპერტის დასკვნა ან აქტი დასკვნის შედგენის შეუძლებლობის შესახებ (თუკი ასეთი დოკუმენტი ჯერ არაა გაცემული).
8. იმ შემთხვევაში, თუ შემსყიდველის დაკვეთის საფუძველზე, მიმწოდებლის მიერ გაწეული მომსახურების საფასური გადააჭარბებს ამ ხელშეკრულების მე-3 მუხლში მითითებულ ხელშეკრულების საორიენტაციო მოცულობას, შემსყიდველი მხარე ვალდებულია სრულად გადაიხადოს მომსახურების საფასური - ფაქტობრივად შესრულებული სამუშაოს შესაბამისად.

მუხლი 5. მომსახურების მიწოდების პირობები

1. წინამდებარე ხელშეკრულებით ნაკისრი ვალდებულებების შესრულებისა და მისი კონტროლის მიზნით, საექსპერტო მომსახურების ვადებისა და დაჩქარებული საექსპერტო მომსახურების სახეობების განსაზღვრის მიზნით, გამოიყენება სსიპ - ლევან სამხარაულის სახელობის სასამართლო ექსპერტიზის ეროვნული ბიუროს უფროსის 2023 წლის 26 იანვრის N8/2 ბრძანებით დამტკიცებული

„სსიპ - ლევან სამხარაულის სახელობის სასამართლო ექსპერტიზის ეროვნულ ბიუროში დაჩქარებული საექსპერტო მომსახურების სახეობების და საექსპერტო მომსახურების ვადის განსაზღვრის წესი“, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

2. შესაძლებელია, მომსახურების ჩასატარებლად საკვლევი ნიმუშ(ებ)ის წარმოდგენა განახორციელოს შემსყიდველმა ან/და საკვლევი ნიმუშის ასაღებად შემსყიდველის მოთხოვნით მიმწოდებელი გამოყოფს სათანადო ექსპერტს, განსახორციელებელი კვლევის შესაბამისად.

3. მომსახურების შესრულების ვადაში არ ჩაითვლება დროის პერიოდი, რომლის განმავლობაშიც სამუშაო შეჩერებულია შემსყიდველის მიზეზით. ამ შემთხვევაში, შემსყიდველი ვალდებულია წერილობითი ფორმით აცნობს მომსახურე მხარეს სამუშაოს დროებით შეჩერების და განახლების შესახებ.

4. საექსპერტო მომსახურება ჩაითვლება გაწეულად და ანგარიშსწორების განხორციელების ვალდებულება წარმოიშობა მას შემდეგ, რაც ბიუროს მხრიდან დასრულდება საკვლევ ობიექტზე მუშაობა და მომზადდება ექსპერტის დასკვნა - შესაბამისი მიღება-ჩაბარების აქტით (ფორმა N5), ან შედგება აქტი დასკვნის შედგენის შეუძლებლობის შესახებ (რის შესახებაც დამკვეთს ეცნობება მოკლე ტექსტური შეტყობინების (სმს), ელ. ფოსტის ან წერილობითი ფორმით), მიუხედავად იმისა, მოახდენს თუ არა შემსყიდველი გაწეული მომსახურების ჩაბარებას ამ მუხლის მე-7 პუნქტის შესაბამისად.

5. მხარეები თანხმდებიან, რომ საექსპერტო კვლევებისათვის საჭირო გონივრული ვადებიდან გამომდინარე, ასევე, იმის გათვალისწინებით, რომ გასაწევი მომსახურების ღირებულება (საექსპერტო კვლევის ობიექტური სფეციფიკის გათვალისწინებით) შესაძლოა წინასწარ არ იყოს ცნობილი, წინამდებარე ხელშეკრულების ფარგლებში მიღებულ დაკვეთებზე, ექსპერტის დასკვნის მომზადების შემთხვევაში, შემსყიდველი ვალდებული იქნება აანაზღაუროს ფაქტიურად გაწეული მომსახურების ღირებულება, მიუხედავად იმისა, იარსებებს თუ არა წინამდებარე ხელშეკრულების საორიენტაციო ღირებულებაში საკმარისი რესურსი.

6. ამ მუხლის მე-5 პუნქტით განსაზღვრულ შემთხვევაში, შემსყიდველს, წერილობითი მოთხოვნის შემთხვევაში, უფლება აქვს გააუქმოს დანიშნული დაკვეთა, თუკი შემსრულებელს დაწყებული არ ექნება საექსპერტო კვლევა.

7. შემსყიდველის საჭიროებიდან გამომდინარე იგი ვალდებულია ამ მუხლის მე-4 პუნქტის დადგომის შემდგომ, არაუგვიანეს 10 კალენდარული დღის განმავლობაში მიღება-ჩაბარების აქტის გასაფორმებლად გამოცხადდეს ქვეთმით ჩამოთვლილ ერთ-ერთ მისამართზე, რომელზეც მხარეები შეთანხმდებიან წინასწარ, კერძოდ:

მისამართი	მონიშვნა	მისამართი	მონიშვნა
ქ. თბილისი, ი.ჭავჭავაძის გამზ. N84		ქ. გურჯაანი, წმინდა ნინოს ქუჩა N17	
ქ. თბილისი, ბოხუას ქუჩა N23		ქ. ქუთაისი, ი.ჭავჭავაძის გამზ. N2	
ქ. თბილისი, ბოხუას ქუჩა N25		ქ. გორი, სოფელი კარალეთი	
ქ. თბილისი, დიდგორის ქუჩა N40		ქ. ახალციხე, შ. რუსთაველის N105 ა	
ქ. რუსთავი, წმინდა ნინოს ქუჩა N3		ქ. ბათუმი, მელიქიშვილის ქუჩა N102	

მუხლი 6. ხელშეკრულების შესრულების კონტროლი

1. შემსყიდველის მხრიდან ხელშეკრულების შესრულების კონტროლს განახორციელებს: დემურ ჩაჩანიძე

2. ამ მუხლის მოქმედება არ ვრცელდება ექსპერტიზის დასკვნის შინაარსზე.

მუხლი 7. შემსყიდველი ვალდებულია

1. დროულად და კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები.
2. ხელი შეუწყოს მიმწოდებელს წინამდებარე ხელშეკრულებით გათვალისწინებული მომსახურების შესრულებაში.
3. სრულყოფილი სახით წარმოადგინოს საკვლევი ნიმუში/ობიექტი ან/და უზრუნველყოს ამისთვის ბიუროს მიერ გამოყოფილი წარმომადგენლის დაშვება ობიექტზე.

მუხლი 8. შემსყიდველი უფლებამოსილია

1. მოითხოვოს მიმწოდებლისგან წინამდებარე ხელშეკრულებით ნაკისრი ვალდებულებების დროული და ჯეროვანი შესრულება.

მუხლი 9. მიმწოდებელი ვალდებულია

1. დროულად და კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები.
2. საექსპერტო კვლევის განსახორციელებლად საჭირო ნიმუშ(ებ)ი მიიღოს/აიღოს და ჩაიბაროს/ჩააბაროს კანონით დადგენილი წესით;
3. შემსყიდველის მიერ საკვლევი მასალის/ობიექტის წარმოუდგენლობის ან არასრულად წარმოდგენის შემთხვევაში, მიმწოდებელი ვალდებულია, დამკვეთის მომართვიდან 5 სამუშაო დღის, ხოლო დაჩქარებული საექსპერტო მომსახურებისას - მომართვიდან 2 სამუშაო დღის ვადაში, მოითხოვოს საჭირო მასალა/ობიექტი.
4. თუ საექსპერტო კვლევა ითვალისწინებს ბიუროს ტერიტორიის გარეთ არსებული გამოსაკვლევი ობიექტის დათვალიერებას/კვლევას/ნიმუშის აღებას, მიმწოდებელი ვალდებულია კვლევის დაწყებიდან გონივრულ ვადაში, ხოლო დაჩქარებული მომსახურების შემთხვევაში - მომართვისთანავე შეუთანხმოს შემსყიდველს ობიექტის დათვალიერების/კვლევის/ნიმუშის აღების თარიღი და დრო.
5. დაიცვას საექსპერტო კვლევის საფუძველზე მიღებული ინფორმაციის კონფიდენციალურობა.

მუხლი 10. მიმწოდებელი უფლებამოსილია

1. მოითხოვოს შემსყიდველისგან წინამდებარე ხელშეკრულებით ნაკისრი ვალდებულებების დროული და ჯეროვანი შესრულება.
2. შემსყიდველის მიერ, წინამდებარე ხელშეკრულების მე-9 მუხლის მე-3 პუნქტით გათვალისწინებული პირობების შეუსრულებლობის შემთხვევაში, მიმწოდებელი უფლებამოსილია შეადგინოს აქტი დასკვნის შედგენის შეუძლებლობის შესახებ, ან შეწყვიტოს მომსახურების განხორციელება.

მუხლი 11. მხარეთა პასუხისმგებლობა.

1. მხარეები პასუხს აგებენ მათ მიერ წინამდებარე ხელშეკრულებით ნაკისრი ვალდებულებების შეუსრულებლობის, ან არაჯეროვნად შესრულებისათვის, აგრეთვე ცალმხრივად მოშლის შემთხვევაში, ან საკუთარი ნებით ხელშეკრულებიდან გასვლისას, თუ ამ ქმედებამ მეორე მხარეს მიაყენა ზიანი.
2. თუ შემსყიდველი უარს აცხადებს მიმწოდებლის მიერ ჩატარებული სამუშაოების გაგრძელებაზე, ან მომზადებული საექსპერტო დასკვნის მიღებაზე, იგი არ თავისუფლდება ხელშეკრულებით განსაზღვრული შესრულებული მომსახურების საფასური გადახდისაგან.
3. შემსყიდველს შეუსრულებლად დაუბრუნდება დაკვეთა, რომლის ღირებულებაც გადააჭარბებს ხელშეკრულების საერთო ღირებულებას, გარდა იმ შემთხვევისა, როდესაც საექსპერტო კვლევის განხორციელება უკვე დაწყებულია, ასეთ დროს საექსპერტო მომსახურების საფასურის გადახდა ხორციელდება სრულად, ტარიფის შესაბამისად და მხარეები ვალდებული არიან გააფორმონ შესაბამისი შეთანხმების აქტი.

მუხლი 12. ხელშეკრულებაში ცვლილებების შეტანა

1. ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას.
2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;
3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 25%-ზე მეტი ოდენობით გაზრდა;
4. ამ ხელშეკრულების პირობების ნებისმიერი ცვლილება უნდა გაფორმდეს მხარეთა შორის წინამდებარე ხელშეკრულებაში ცვლილებების შეტანის გზით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორს-მაჟორი

1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;
2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, პანდემიით, კარანტინით და საბიუჯეტო ასიგნებების მკვეთრი შემცირებით და სხვა;
3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

მუხლი 14. სადავო საკითხების გადაწყვეტა

1. შემსყიდველმა და მიმწოდებელმა ყველა ღონე უნდა იხმაროს, რათა მოლაპარაკებების პროცესში შეთანხმებით მოაგვარონ წინამდებარე ხელშეკრულების ან მასთან დაკავშირებული სხვა კომპონენტის ირგვლივ წარმოქმნილი ყველა უთანხმოება და დავა;
2. შემთხვევები, რომლებიც არ არის გათვალისწინებული წინამდებარე ხელშეკრულებით, მოწესრიგდება საქართველოს სამოქალაქო კოდექსით დადგენილი წესით;
3. თუ შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს საერთო სასამართლოებს.

მუხლი 15. საკვლევი ნიმუშების გატანა

1. შემსყიდველი მხარე ვალდებულია მიმწოდებლისაგან დასკვნის მიღებასთან ერთად ჩაიბაროს საკვლევად წარმოდგენილი ნიმუში/ნივთმტკიცება. ამ პირობის შეუსრულებლობის შემთხვევაში შემსყიდველს არ გადაეცემა ექსპერტის დასკვნა, ან/და აქტი დასკვნის შედგენის შეუძლებლობის შესახებ.
2. საკვლევი ნიმუშ(ებ)ის 90 კალენდარულ დღეზე მეტხანს გაუტანლობის შემთხვევაში, ჩაითვლება რომ ნიმუში აღარ ესჭიროება დამკვეთს, არ წარმოადგენს რაიმე მნიშვნელოვანს და ფასეულს, რაზეც მიმწოდებელს ეძლევა უფლება გაანადგუროს წარმოდგენილი ნიმუში ან/და იმოქმედოს საქართველოს კანონმდებლობით დადგენილი წესით.
3. შემთხვევები, რომლებიც არ არის გათვალისწინებული წინამდებარე ხელშეკრულებით, მოწესრიგდება საქართველოს სამოქალაქო კოდექსით დადგენილი წესით.

მუხლი 16. შეტყობინება

1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის ან/და ელექტრონული ფოსტის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
2. შეტყობინება ჩაბარებულად ჩაითვლება ადრესატის მიერ მისი მიღების დღეს.
3. მხარეების მიერ შეტყობინება მიწოდებულად ითვლება, თუ მან შეტყობინება გაგზავნა მიმწოდებლის მიერ ექსპერტიზის დანიშვნის დოკუმენტში მითითებულ მისამართზე, რომელიც მომწოდებელმა შეცვალა, მაგრამ ამის თაობაზე არ აცნობა შემსყიდველს.

მუხლი 17. ხელშეკრულების რეგულირების სამართლებრივი საფუძველი

1. წინამდებარე ხელშეკრულება ძალაშია, ორივე მხარის მიერ ხელმოწერის დღიდან.
2. წინამდებარე ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
3. მხარეთა შორის სახელშეკრულებო ურთიერთობები ძირითადად რეგულირდება საქართველოს სამოქალაქო კოდექსის 629-ე-633-ე, 636-ე-638-ე, 642-ე-645-ე, 647-ე-649-ე მუხლებით;
4. „საჯარო სამართლის იურიდიული პირის – ლევან სამხარაულის სახელობის სასამართლო ექსპერტიზის ეროვნული ბიუროს მომსახურების ტარიფების დამტკიცების შესახებ“ საქართველოს მთავრობის 2023 წლის 16 იანვრის №14 დადგენილებით.

5. „სსიპ - ლევან სამხარაულის სახელობის სასამართლო ექსპერტიზის ეროვნულ ბიუროში დაჩქარებული საექსპერტო მომსახურების სახეობების და საექსპერტო მომსახურების ვადის გამოყენების წესის დამტკიცების შესახებ“ ბიუროს უფროსის 2023 წლის 26 იანვრის N8/2 ბრძანებით.
6. წინამდებარე ხელშეკრულებით.

მუხლი 18. მხარეთა რეკვიზიტები

(დოკუმენტზე მხარეთა მიერ გამოყენებულია კვალიფიციური ელექტრონული ხელმოწერა)

მიმწოდებელი	შემსყიდველი
<p>სსიპ – ლ. სამხარაულის სახელობის სასამართლო ექსპერტიზის ეროვნული ბიურო მის: ქ. თბილისი, ჭავჭავაძის გამზ. №84 ტელ: (995 32) 2 25 84 84 ელ. ფოსტა: info@expertiza.gov.ge</p> <p>ს/კ 204852089</p> <p>საქმისწარმოების II განყოფილების მთავარი სპეციალისტი</p> <p>ლია ერაძე</p>	<p>ისნის რაიონის გამგეობა</p> <p>ს. კოდი: 208204959</p> <p>გამგებელი ნიკა ელისაშვილი</p> 